

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十二

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣賈柏總裁官經筵講官吏部尚書銀筵漢軍都統管理新營房城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次臣花沙納總纂講官文淵閣提舉閣事兵部尚書總管

內務府大臣錄白旗滿洲都統稽察內七倉大臣管理宗人府銀庫左翼幼官學監壽宮圖明園等處精建營御茶膳房御藥房太

醫院違辦處事務隨帶加十八級臣阿靈阿副總裁官經筵講官兵部尚書隨帶加六級紀錄二十次臣周祖培等奉

敕修

道光十五年乙未春正月辛酉朔

上詣太十五平山木春玉月辛酉

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿

遣香爐太皇帝寶鞍奉之二百六十二

壽皇殿行禮○御乾清宮賜親藩等宴○命乾

清門行走喀爾喀扎薩克圖汗瑪呢巴咱爾
在御前行走。賞浩齊特扎薩克郡王吹精扎
布。喀爾喀扎薩克郡王圖克濟扎布。三眼花
翎。在乾清門行走。賞青海扎薩克輔國公珠
爾默特都布丹車。齡花翎。○壬戌。以

皇太后六旬萬壽。命於本年八月舉行恩科鄉
試。來年三月舉行會試。○癸亥。

高宗純皇帝忌辰。遣官祭

裕陵。

宣宗成皇帝實錄 卷二百六十二
上詣

奉先殿

壽皇殿行禮。○以江南江安蘇松兩道屬糧價

未平。暫緩收買幫丁行月等米。○甲子。

上詣

皇太后宮問安。○諭內閣大學士曹振鏞學問

淵博。獻替精醇。公正慎勤。老成持重。自其父

曹文填供職內廷。渥承

皇祖高宗純皇帝知遇。擢至戶部尚書。嗣曹振

鏞仰荷

皇祖特達之知。由翰林洊升詹事。

皇考仁宗睿皇帝親政以來。洊加升擢。簡任綸

扉。朕御極之初。特授軍機大臣。十四年餘。一

德一心。深資啓沃。絲綸首掌。鉅細畢周。夙夜

在公。始終如一。實朕股肱心膂之臣。服官五

十餘年。厯事

三朝。身躋崇要。從未稍蹈愆尤。動循矩法。克副

贊襄。念其年躋八秩。特命肩輿入直。俾節勞

勲。上年因微疾請假。派員存問。俾安心在寓。調養優加慰勞。方冀速痊。照常入直。詎意數日之間。遽成長往。頓失腹心之臣。不覺聲淚俱下。悼惜難堪。著加恩入祀賢良祠。賞給陀羅經被。並手串煙壺煖手各件。派穆彰阿帶領侍衛十員。即日前往奠醊。朕於本月二十九日親臨賜奠。並著賞給廣儲司庫銀二千兩。經理喪事。其任內一切處分。悉予開復。應得卹典。著該部察例具奏。伊子曹恩溓著賞

給四品卿。俟服闋後。遇有四品京堂缺出。著該部開列請補。用示朕軫懷耆舊恩賚有加至意。○乙丑。

上御紫光閣。賜蒙古王貝勒貝子公台吉及外藩使臣。章嘉呼圖克圖等宴。並賞賚有差。○以協辦大學士吏部尚書穆彰阿。充文淵閣領閣事。○以吏部左侍郎杜燾。充經筵講官。○命阿巴噶郡王那木薩爾。多爾濟土爾扈特頭等台吉策聆棟囉布。在乾清門行走。○

賞科爾沁貝勒貢格喇布坦。雙眼花翎。科爾沁輔國公博羅特喀爾喀郡王托克托瑚圖。噶子頭等台吉滿珠巴咱爾。花翎。○丙寅。以大學士潘世恩兼翰林院掌院學士。稽察欽奉上諭事件處。○以工部尚書敬徵充文淵閣提舉閣事。○緩徵直隸大興。宛平。固安。東安。永清。武清。霸。大城。涿。新城。雄。獻。天津。寧晉。保定。良鄉。房山。清苑。安肅。唐博。野。容。城。蠡。祁。安。高陽。河間。肅寧。任邱。景故城。青滄。靜海。南。

皮。鹽山。正定。藁城。南。和平。鄉。鉅鹿。任。永年。雞
澤。大名。赤城。冀。南宮。新河。武邑。衡水。趙。隆平。
深。饒。陽。安平。定。深。澤。五十八州縣。上年被水。
村莊。新舊額賦。○緩徵。山東。歷城。章邱。鄒平。
齊東。齊河。濟陽。禹城。臨邑。德。平原。惠民。商河。
館陶。博興。高苑。樂安。臨清。魚臺。十八州縣。並
德州。衛。上年被災。莊屯。新舊額賦。○展賑奉
天。牛莊。遼陽。鳳凰城。三處。上年被災。旗戶一
月。○貸。山西。太原。五臺。保德。三州縣。上年被

水災民倉穀。○丁卯。

世祖章皇帝忌辰遣官祭

孝陵。○諭內閣。林則徐奏江浙回空漕船埽數進開行走安靜一摺。上年回空漕船南下較遲。因鎮江運河潮枯水淺。京口沙灘涸露。難以通舟。改由橫閘行走。經該撫遴委文武各員往來策應。每當阻淺阻潮阻風阻凍之際。該員等皆能設法籌催。不遺餘力。截至十二月十九日。全行進開。並無一船疏失。統計江

浙兩省回空共六十二幫。計船二千二百零四隻。埽數由橫聞跟蹤南下。各歸水次。修艚均在歲前。可期速為開兌。且較歷屆由橫聞進口船數多至兩三倍。與常年催趲微有不同。著該撫擇其尤為出力者酌保數人。奏請鼓勵。惟本係該員等分內應辦之事。不准人數過多。稍滋冒濫。○諭軍機大臣等。本日據林則徐奏江浙回空漕船全數進聞。派兵彈壓。均極安靜一摺。已明降諭旨。酌保數員。奏

請鼓勵矣。據稱此次漕船在橫閘內外及金山鮎魚套一帶節節停泊。經所派將備帶兵彈壓。均尚安靜。迨鎮江前後兩幫最後進口。其水手尤為强悍。該撫復商派京口駐防滿洲兵一體彈壓。乃該兩幫桀驁之水手。聞有添兵。恐被查拏。率已潛行逃竄。不敢過江。遺有刀械在船。現已逐件搜獲。撥營配用。並換雇水手。駕船赴次等語。漕船在內地江河行走。並非外洋可比。何以膽敢攜帶刀械。甚至

帶有火器。擅行施放。致滋事端。若不嚴行飭禁。該水手等獷悍性成。又復恃有器械。難保不偶因口角細故。輒敢逞強械鬪。釀成鉅案。即如上年廬州二幫水手。行抵清平縣地方。王汝舉等糾眾殺斃多命。其兇橫情形。已可概見。此次鎮江前後兩幫水手。竟敢藏匿刀械在船。此外各幫。恐亦不免有此惡習。著該撫等嚴飭各糧道。及地方文武各員。弁於各幫船未開之前。即認真查察。隨時曉諭飭禁。

一經查出。即行嚴拏務獲。按律懲辦。毋稍寬縱。以挽積習。而肅漕政。將此各諭令知之。○
又諭。本日據瑚松額等由驛馳奏。義邊廳雅扎等支夷滋事。已將被擄人口。全數追回。擒獲兇夷。委員就近審辦一摺。此次我邊廳屬十三支赤夷內雅扎等支。夤夜潛出。復在雙溪卡等處。擄去男婦大小六十餘丁口。經該將軍等派委參將唐永清。馳詣查辦。當即追出漢民二十四口。茲復據該廳徐久道。親帶

兵弁夷目直入夷巢該夷匪先期聞風竄散其守法良夷已將被擄漢民三十八丁口全數獻還各夷匪因查拏嚴緊竄聚黃草坪一帶唐永清等偵探蹤跡於上年十二月初五日黎明各帶兵勇分路圍截立即殲斃十餘人黎雅營千總何貴擒獲滋事正犯木勒等三名餘皆竄入老林現仍分投追捕該將軍等飭令嚴加按覈務將兇夷全數擒獲不使一名漏網並派委道員李宗傳前往將現獲

各犯訊明。即就地傳集眾夷。環視正法。以儆
兇頑。其前議移駐汛防。團練鄉勇。建築碉堡
各事宜。即令該道就近查勘等情。該支夷犬
羊性成。反覆無定。兵至則投誠乞命。兵撤復
出巢滋擾。若不嚴加懲辦。無以懾兇夷而安
良善。著該將軍等詳加體察。如果各支夷輸
誠投服。捆獻兇夷。各具永不滋事木刻。尚可
寬其一線。儻敢仍前玩視。即著於春融之時。
酌量情形。妥為辦理。斷不可因目前安靜。不